

雜
劇
三
集

鬧門神越調

孝若茅僧曇著

爭座位不聽和合神

正名

動天曹直貶沙門島

末扮新門神襍扮桃符神同上自家是太平巷第一家新門神明年該輪俺把門管事只今小年夜滿巷燈火爆竹好不熱鬧桃符神你跟咱到任上來

鬧鵲鵲世事茫茫年華又改只見瑞雪飄遙罡風



有些得意
落人算計

誤人是這
些桃符神

浙瀝家家送舊迎新。都把桃符插戴。俺且驀過街。
踏上階。聽那爆竹聲中輪。該咱廳頭搖擺。桃跪白。
稟爺滿街人都喝彩。爺遠勝那舊門神。俺們明年。
好不興哩。末我兒咱興你也興哩。

紫花鬼序

誰將俺畫張紙裝的五彩冷面皮。意氣。

雄赳。豎劍眉。濶口髭鬚。手擎著加冠進爵刀斧。彭。
排奇哉。剛買就遍街人驚駭。盡道俺龐兒古怪。滿。
腹精神。個儻胸懷。桃符神。你去瞧來。怎那舊門神。
見俺。只佯不睬。並不見他抬身哩。

金焦葉

俺且眼偷瞧桃符好乖。那戴頭盔將軍忒呆。只你幾年上都剝落了顏色。甚滋味全無後悔。淨扮舊門神。襍扮鬼臉。順風耳同上。只俺是太平巷第一家舊門神。俺管事六七年。好不興旺。政好安穩。坐著順風耳。你去打聽。是那裏來這狗弟子。孩兒。便思量奪俺這座頭。你好對他說這尙早哩。順風耳傳介。末。俺奉主命新選中的。只俺出身。嚼你舊門神。怎比得來。今日有我的座位。想沒有你的座位了也。

小桃紅。少不得將茗帚刷去塵埃。把舊門神棒碎。扯紙條兒滿地。踹化成灰。非俺沒面情。挈帶只你風光過來。威權顯赫。到今日呵。迴避也該該。淨惱介順風耳。你傳去說俺把門管事六七年。這門內人那個不威懼我。他是何等人物。怎便一朝思捨奪俺座頭。他不見俺雪白髭鬚。都爲數年把門辛苦上來的哩。

踏陣馬

末

桃符神傳說與老三台。他貪圖則甚。腌

臍無賴。骨瘦枯柴。赤髭鬚都變雪白。只爭些門面

在那管他百事。他憤萬口哈哈。**淨**順風耳。你傳去說。我不是好惹的。他休輕捋虎鬚者。**末笑介**難道你便猙獰了一萬年。少不得有日勢倒哩。

天淨紗

你只道多年當道狼豺張的牙爪無對恃。

神通布擺。與妖作怪。不見那雪獅子倒頭歪。**淨**惱介。你怎將雪獅子比俺。俺好不硬著脊梁。不怕你。不怕你。**末笑介**你看不見自家面皮。只請看這門第上氣色。好不好。便明白。

調笑令

崔嵬掌三台。爭知漸氣色。蕨蕤門搥開。往

不沒人善

來出入人誰耐。引五道瘟進家宅。把凌雲甲第都
狼狽。說甚麼祖傳的九棘三槐。淨順風耳你說去。
自俺把門管事。許多年好不清苦。那曾要人些羹
飯茶果。

聖藥王

末你道雀羅門塵滿腮。家居冷淡守清齋。

自沒才。慣妬才。久妨賢路苦徘徊。譬如泰山下高
竦著傲岨峩。淨順風耳你傳去。說俺奉著聖旨把
守此門。又不見有旨撤回。怎好白白的讓他去哩。
末笑介。難道俺又不是奉旨來的麼。

床兒郎常年價輪賽。這座頭消停待。只你呵抵死
踞當街乞態支吾。硬道奉旨宣差。〔淨〕不是俺不肯
讓你這退位菩薩委難做的。

〔么〕末這菩薩退位自在。無奈你手段神出賣風雷。

心腸毒難當。蠶蠹怎知狹路逢。都會擠排。〔淨〕你這

書騃子。怎踏得俺腳跡來。你若無我的順風耳打

聽消息。料不能殼坐穩。三個日頭哩。〔外〕笑介老三

台。你全靠那順風耳作幫手。怎只顧內不顧外哩。

東原樂 你道有順風耳打聽。垂內裏關通遞補快。

但只一件、賊闖來無攔、那把門神誰瞅睬。請認
破落門、程早修改。末俺怎好獨自與你苦爭得、桃
符神、你去請那宅裏鍾馗神出來、判斷這公案者、
小淨扮鍾馗執笏舞上、只俺是本宅內門上鍾馗、
這大門門神、原該一年一換、舊的又佔了六七年、
怎尚不肯交替與新來的、俺去講明咱、兩位門神
哥請了、這小年夜、少不得新舊交代、只俺把守門
內、也早晚望著替身哩。爭這個使不得、使不得、

絡繹娘

末

守舊的鍾馗請來、併安分的神茶鬱壘。

歲久年深也沙汰。少不得新添幾隊。鍾這是自然

的正理。俺說你不聽。只索自去者。下末那鍾馗神

說你不信。桃符神。你去請宅內紫姑三娘來。判斷

這公案者。貼扮紫姑艷服上。只俺是本宅紫姑三

娘。因上帝憐俺無罪冤死。錄爲廁神。只俺所居好

不香噴噴。高巍巍。與鈞天帝所一般享用。哩。門神

哥。恭喜你新到任。便與誰口角來。

送遠行

末

尙有個廁神。稱後帝婀娜裙釵。道住的

廣樂鈞天等大槐。難道不分香穢。紫姑神也交代。

紫舊門神哥、你管許多年事、理該讓那新來的、怎
索相爭傷和氣哩、淨這個不聽你、不聽你、紫俺好
話勸不聽、只索自去了也、下末桃符神這廝只靠
勢、不論理、你再去請那宅內司命竈君出來、判斷
這公案者、小生扮竈君上、只俺是本宅司命竈君、
一般五祀之神、只俺經年辛苦、防守火燭、纔得臘
月廿四夜、一度送竈迎竈、他、不、是、來、酬、謝、俺、辛、苦、
只、怕、俺、去、朝、玉、皇、講、他、是、非、哩、二、位、門、神、哥、新、舊
交代、自有定例、怎煩旁人判斷來、

綿搭絮

末

再請個司竈神先輩。他身坐處。炷煤。管

三餐茶飯。防火燭寒灰。只怕的臘月升天講是非。

纔只獻棗脯。湯糕酒一杯。干係誰推。那個信祀黃

羊有福來。

淨。你司命竈君。過年正忙。休要管人間

事哩。竈只俺司命竈君。班次不小了。巴不得替身

怎這門神恁般古執。好奇怪哩。俺好話勸不聽。只

索自去了也。下。正生扮和合神。戴金幘頭上。只俺

是本宅和合神。俺奉上帝命。至人間和合爭競。導

引喜氣。俺入門來。其家自日昌隆。倘俺不耐煩而

去其家便日衰敗、只今新舊門神、爲何爭競不了、
鬧動了一家內外諸神、勸解不下、俺親自去查勘
來、兩位門神哥請了、你們新舊交替、自有定規、怎
須恁般相爭者、末直煩這位尊神出來、這番定好
委決了也、

眉兒彎

直煩你和合尊神爲俺們作主張、只你軀

幹矮福量大、慣調劑的、五味鹽梅、堪救時的、宰相
才居鼎鼐、我讓他主張、主張的、合膜拜、請他判斷
這場誰功誰罪、和俺職主和合、怎好判人功罪、以

大似相度
恐是鄉
學問

啟爭端、只你舊門神哥、罪素在那些、想新門神哥、
自查得詳悉、請試說一番者、

古竹馬

末他的喉嚨忒噉舌尖忒銳。是人可怕他。

氣概。只當得親捧出十二金牌。他包身膽。拈管筆。
兒似天神般大。見他見他。唯唯諾諾。簇簇捱捱。喘
吁吁倒繃著嬰孩。那個不低首沉埋。淨惱介怎俺
一門衆神。多向著新來的。並沒一個幫俺舊任的。
世態炎涼。大率如此。好惱好惱。

前腔末

我從來烈性憊癩。這榜樣如何寧耐不見。

鬧門神

貼的萬象回春。三陽交泰。物換星移。怎不揣難道。
一旦無常。眼光落地。恁時呵。土崩瓦解。誰怕你。蟒
玉喬材。淨和合尊神。不是俺古執。不肯聽人話。一
人自有一人的做法。俺今日上了騎牆勢。拔了出
鞘刀。怎好輕易挪動一步哩。

酒旗兒

末

你道拔鞘刀難追。騎牆勢終礙。寧可刃

向外。血凝胚。依傍著門牆。決不放回。天崩塌。自有
人兒遮蓋。倘清夜捫心。原無介蒂。那些穰侯印。便
難解。只你迷而不悟。惹禍愈深。俺且引幾個古人

舊案提醒你者

青山口

我爲你計。休瞞昧。休瞞昧。洞然肝肺。只怕

身退呵。惹災危。百尺梯。須踏著地。古史上有楊炎

元載。他自道是唐朝名宰。把汾陽劉晏尙疑猜。一

朝失勢終薙醢。倘早見幾。那討禍胎。豈不聞不能

者止。怎踞這座作了捨身崖。天家事恁再廝壞。少

不得仰藥歐刀。須自裁。三公災異冊免宜哉。何如

退步替者當災。和這是新門神哥。輸心吐腹的真

話。舊門神哥。你怎不省得。難道俺也有偏曲向那

鬧門神

一邊哩。

寨兒令

末 這和合神主和諧兩邊有誰偏憎愛。舊

官未回新官怎捱。你眷戀亦堪哀。只那旄頭星不
怕你機械。那惡天篷難當他搶白。怎不學郭子儀
降回鶻。裴中令收淮蔡。哎。那時呵。儘著你雌黃口
對平臺。爭惱介。偏你熟諳許多古事。俺委實的
不曉得。只曉得做日和尙撞日鐘。憑你說的天花亂
墜。俺老主意搖撼不動哩。

三台印

末 非咱攘伊地位。公評跋討便宜的。先退。

早拔陣寂銜枚。讓當場。傀儡聽盤鈴。響處舞一迴。
上天梯的。玉女唱聲彩。指望今年還勝舊年。誰道
一解不如一解。和只我苦勸這一會。舊門神哥堅
不肯聽。政是人微言輕。舌尖無力。只索告退者。下
外扮九天監察使者二從人手持旛幢上。只俺九
天門監察使者的便是。俺奉上帝勅旨。每年除夕
分遣俺們數輩。稽察人間善惡。并那百神功過。各
造冊子。元旦回奏。只俺迤邐行來。這太平巷怎的
穢氣薰蒸。人物凋敝。呀。元來是那第一家舊門神

作祟這方又不肯讓那新門神管事、且不究他貪位慕祿的心腸、只看他喫粮不管事、怎弄得那家門面、直恁破取了、桃符神那裏好直說上來、舊門神作怪、恐新門神并桃符皆叩頭介。

梅花引末使者尊神輕怎差。想只爲監察人間功。

過來俺並不曾掛招牌上銅街。自有桃符神在。非關俺說背外。我監察神于人間善惡、百神功過、那些不明白、要你說來、那舊門神有何伎倆、佔了許多年把門管事、尙不肯思退步哩。

太怯

拖帶順風
耳罪過

雪中梅末他伎倆本興儻。福過反生災。貪圖的驪

龍方睡。摘下珠顏。自忘蟲豸。每日價呵殿上天街。

把。那。催。命。鬼。當。招。財。到。今。日。並。煩。尊。神。親。降。呵。日。

出。天。開。這。漏。船。重。載。到。江。心。怎。擺。劃。外。怒。介。他。管。

事。來。罪。過。極。多。怎。麼。遮。掩。到。今。日。想。多。由。順。風。耳。

這。小。鬼。與。他。通。線。索。哩。順。風。耳。作。怕。叩。頭。介。並。不。

干。小。鬼。事。老。門。神。你。自。作。自。受。休。要。累。及。小。鬼。們。

哩、

南鄉子末順風耳是罪魁。他攬掇尊官。似醉酒醅。

樹倒猢猻入布袋。須陪。倘押付鄮都作伴媒。外怒。
介。這等可惡。著該境神早押發那舊門神順風耳。
二犯。速付沙門島受罪去。新門神。你接管須要小。
心奉法。莫踰前轍。吾神公事已畢。回奏天門去者。
襍扮二鬼。臉上鎖押二犯。隨外全下。末。桃符神。你。
看天曹賞罰。那些終漏網哩。

看花回

休道機關熟。是人通賄。只這監察神。憑正。

直不氣餒。掃氛靈。敢誰欺給。判他兩頭蛇。三足能。
貶沙門島。忒恁利害。我好笑世上迷人。慣耍弄巧。

怎知到頭巧拙一般。賸不過哩。

小絡絲娘都只爲機深禍大。巧拙的一般。兩敗。桃

符神。你道他爲何抵死不去。以致天曹重罰。政孔夫子所云。鄙夫不可與事君。苟患失之。無所不至矣。

尾聲鄙夫患失。寧無殆。憑恃著。曾賜肩輿。和木拐。

你門屏上。怕見畫僊。匡今番呵。怎免的。鬼門關一。

下海。桃跪介。且喜那老頭兒。折罰去了。俺們正好。

與爺慶賀。到任好吉日哩。俱下。

雙

合

氣

雙合歡

孝若茅僧曇著

凌霞閣桂子秋香

正名

玉樹軒花星雙照

生道服上朝日。瞳矐夢恰迴。同誰攜手鬱蕭臺。華陽仙骨三峯後。待酌紅螺酒一杯。自家勾曲外史。堅隱潔溪。從來室少姬侍。何計永復荒淫。政如周妻何肉。各不免累。遂爾變童季女。並與作緣。自春來。幾搭上妮子紫蘭。似已夢蘭。有徵豈堪倚玉。無

主只今選日、與他擺頭、恰值小史文漪、所聘村女、
絳樹亦以是日、親迎合巹、這也不在話下、所喜俺
與蕊珠一段姻緣、幾于石沉大海、今方水到渠成、
只他雙飛紫宮、卽在定情初夜、當席自應讓客、牽
絲、權止謝媒、紫蘭妬定無妨、文漪功亦不小、俺已
分付侍兒、準備玉樹軒中、鋪設別寢哩、

六國朝紅雲仙嶠、散髮逍遙、儘日月雙丸跳、歎風

塵人易老、只俺堅卧山中、看這紅塵擾擾、恰便同
丁令威、俯城郭人民、那裏更認前朝、只當的控鶴

歸華表。仙梯何處高。擣玄霜。瓊漿莫問。挾繡轂。擲果空勞。非是俺居士老荒淫。不聞的素女房中術。軒皇曾受教。只今秋序中。分桂香滿院。看這一輪冰魄。政好人月雙圓哩。

歸塞北。月升的早。又見皎魄映窗蕉。涼露白。微茫花氣遶。玉簫聲縹緲。鳳臺高。解珮許相邀。昔玄真子隱于苕霅。唐天子曾賜他一童一婢。童曰漁童。婢曰樵青。俺家今日事政類此。

卜金錢

只他採芝朮。拍手樵青敢笑的。漁童獨釣。

俺且岸綸巾。袖拂天風香。溫柔鄉。堪送老。向畫簷
前。聽得鶯聲噪。只俺閣中多年虛席。今日婢作
夫人。這遲早豈非定數。那些勉強得來。

照別離紗燈誰引著錦雲輶。今宵好事齊到滿地。
花陰休輕掃。香酷暴。想是叢桂秋窗開遍了。只聽
得房中一派歡笑聲。敢是我紫蘭早已梳裹攏頭。
娜步出房來者。且艷服全侍兒上。好事近。嬌怯避
梳頭。只解香篝薰被。今夜曲屏偎倚。更丰容柔膩。
親擎茗椀漱詩腸。錦簇燈花蕊。細嚼嚙將檀口。

穩著鴛鴦睡。自家紫蘭年當十九。蒙相公選今日
爲俺攏頭戴笄。草草梳裹出房。侍兒你攜著繡毯
跟俺去堂前拜見咱。作進見鋪毯拜介賤妾紫蘭
蒙許攏頭。特拜謝相公咱。生笑扶介你帶笄來越
發風韻襲人。真可喜也。我早爲你製下紫鳳將九
雛一對寶釵。與你親插戴者。

雁過南樓

只見鬧嚷嚷誰邊歡笑。步珊珊簇擁個

妖嬈。一邊高戴著雲冠。一邊斜簪著玉導。攏頭來
分外波俏。先整著繡袷杏黃衫。更把六幅湘裙罩。

只你那遠山眉尚須待畫眉人兒到。紫蘭前日有人說你這雙鳳眼最。是女中貴相。細看來果不錯也。

催花樂

看他豐肌弱骨纖纖爪。只這一雙鳳眼似

湘波秋曉。親戴了鳳雛釵。只把雲髻撩。收拾了針線帖。猶向紗窗呆倚靠。

旦

相公那裏一派音樂響

敢是文漪哥親迎的新人到了也。**生笑介**這尚早哩。你攏頭該在清曉。他花燭該在黃昏。敢是別有一番喜事。趁這良辰吉日。廣寒仙子降來。未可知。

哩

淨瓶兒

只咱挾飛仙。游蓬島。雙攜手。上藍橋。一般

的。簇山笙。鶴碧海瓊簫。**旦**相公。你謊誰來。不信一

日中有許多喜事哩。**生**休嘲緣分巧。那一廂合卺

催妝爲新人動仙樂。傍紅樓繫著繫著玉驄驕。**旦**

俺們倚樓而望。早有花轎入門。敢是做媒的先到

也。**生**笑介。不是。你再猜來。

念奴嬌

窗間青鳥。瑞烟飄。今何夕。門闌繚繞。天上

三星還並照。手捲簾幙偷瞧。只見一道香塵。一行

雙合歡

燈影。一行燈影。東廂鬧。開花轎。果是俺葦珠仙子。
伊家先到嫂嫂。且笑自。原來是張家葦珠姐到來。
相公何不早說。恰正該的。有何希罕。
生我只怕你
有些撚酸。你既如此賢惠。且先代我下階祇迎者。
老旦艷服上。曉窗日。日嚶黃鸝。鋪設蘭房。復許時。
天上定應無薄命。人間空自著相思。俺自父母雙
亡。只有親兄弟一口兒。蒙相公與他納聘錢家。今
日親迎進門。俺一來爲兄弟姻事。倥傯自應早來
作主。二來爲相公鍾情在俺數年不懈。無因得一

相會、今借此公中帶私、定可完了夙願、只教俺羞
答答的、怎好竟上堂來、且喜紫蘭姐早已攏頭、越
越丰采驚人、特來叫喜哩、相見交萬福、介旦、蓋珠
姐、俺算定你今日該來、特此攏頭戴笄、來迎接俺
好姐姐哩、老旦笑介、紫蘭姐休取笑、新人到門尚
早些、俺同你先見相公去來、相公、蓋珠叩頭、生拱
介、蓋珠虧你好硬心腸、歇過幾年、纔肯一度降
凡哩、老旦相公在上、豈不聞白香山詩云、爲人莫
作婦人身、一生苦樂由他人、恐這一日九迴腸、還

是妾身更親切些哩、且姐姐這却果然那些薄情
夫婿、怎知俺們痴心女子的苦楚來、生笑介你們
一唱一和、倒像我是個薄情郎了、

喜秋風也、虧你忒妝喬、幾年來沒音耗、並不怕咒
人的驚肉飛、害眼跳、剛留得紫香囊、常在俺袖中
籠著、甚好風也吹到、老旦泣下介、這間濶非關心
冷、只緣前世燒了斷頭香、折罰今生受這孤另、俺
今姿首已長、芳華漸謝、相公怎生尚提那舊話來、

好觀音

生

休道綠蔭初濃、紅綿落、風情在恁越英

條紫燕雙飛入錦巢。有限的好時光。你再休做作。
老旦只俺今日自爲兄弟併親而來。那好。未完公
事。先狗私盟。只在你我心堅。何須這等造次。生惱
介造次造次。四年纔見一次哩。

前腔

今你兄弟呵。一疋紅羅牽繡襖。權借你舊帳。

勾銷千金一刻信。今宵拿個俏鸞鳳。先顛倒。老旦

俺一向只爲父母雙亡。兄弟又無房室。沒題目好
上門。今番娶了新婦。改好常來看看。相公何須著
忙如此。今晚且仍進紫蘭姐房中去者。

尚杏子

生 今你姊姊二人呵、連理共根苗、一般好

滋味。怎分著苦李甜桃。龍陽怎泣前魚釣。莫道俺
得隴望蜀。喫一看兩。福分難遭。

旦 姐姐、相公爲你、

不知害了多少乾相思。今日且看你兄弟的面、作
成了相公這段姻緣。相公自越越疼著我文潯哥
哩。生笑介 紫蘭、這話覺最中聽。

紫童兒 不因周小史。怎引的董妖嬈。從今後呵、並

蒂蓮同心扣。越堅牢。

老旦

相公、今日自爲紫蘭姐

攏頭戴簪。可不是潑天大喜。怎好叫俺據人之席。

鳩奪鵲巢、生笑介、你這話也有理、你自問著紫蘭來、旦相公怎鵲突起來推干係在我身上、我只索先進房去者、

還京樂

生休羨他荳蔻含梢、怎說恁鳩奪鵲巢、錦

浪鴛鴦相逐、穿花蛺蝶飄搖、迴身就抱、斷絃新續、鸞膠怎尙佯羞推調、可喜的秋月嬋娟、秋宵靜悄、錦屏隈畫燭高燒、主人讓客天生定、况我紫蘭賢惠、可話豈虛囂、權迴避提鈴喝號、好作成順風推、權向銀缸添上蘭膏、話難了、話難了、盡把數年旣

耗枕邊重訴。搵濕鮫綃。旦笑介。秋宵尚短。你兩人只可畧叙新歡。怎好重提舊恨哩。

荼蘼香

生記得初相約。誓不離松蘿纏。薦附麗在

雲霄。那惟他一潭明月。撈不著天上迢迢。纔入手。

肯相饒。常言道好事緣慳。這美滿情終無間阻。怎

忍說鶯殘花老。老旦只你一片堅心。妾豈不知白

頭相守。但恐事不到頭。空污妾身。又成話柄。相公

你且細細打算。一盤大局面。方好從容下子。點眼

哩。旦姐姐這話。原該預先與相公斷定。休得厭常

喜新一場扯淡便好、

前腔

生坐想行思。迴腸日攪。怎防的到頭差錯虛

耽閣。仗得願力堅。神天祐。百年常保。譬啖蔗漸入佳境。到老甜呵。不在擔煩惱。雜扮賓相披紅仝喜

娘從人鼓吹紗燈迎新郎。新婦入門介。老旦話太

絮煩。新人到門。且往祇迎者。小生仝貼旦各艷服

披紅紗罩新人上。賓相花下初迴擲果車。迎來新

婦貌如花。房前列種梧桐樹。紫鳳將雛日影斜。請

新娘子出轎。新官人捲簾。姑娘去揭方巾。拜周堂

者、老旦、浣溪紗、揭起方巾露靚妝、微風輕撲粉脂

香、琴心先奏鳳求凰、錦浪鴛游比翼隊、芳池蓮

結並頭房、牀前雙飲紫霞觴、兩新人交拜咱、小生

青鳥誰傳芳信盪、準備牽紅羅十丈、一心自照三

星朗、祝郎宜壽姊宜男、乘鸞願逐簫聲往、自家文

滢、選日娶娘、先上堂拜見相公、方好洞房花燭哩、

新人同拜喜娘扶持、賓相喝拜介、又與姊與紫蘭

各交拜介、生、文滢、我爲你要過一房新婦、窈窕端

麗、堪稱雙璧、咱心方纔放下、早已令紫蘭備下錦

衾繡褥、脂粉花勝、爲你新人添妝助喜、願你二人
百年伉儷、遶膝芝蘭、俺與你姊保的美滿恩情、白
頭偕老、方稱咱心哩、小生全貼跪白介孩兒亦有
新婦手製五組飛雲履一雙、交頸鴛鴦枕一對、獻
上相公、願相公與紫蘭姐一家和合、吉祥如意、帶
挈俺姐姐、湊成個雙合歡哩、生笑介這話方說得
妙、賓相樂人們、各領犒勞去、你們且各把盞喫個
滿堂歡哩、先小生與貼送生酒次老旦送弟酒紫
蘭送新人酒各傍侍生飲樂人吹唱

催拍子

生出畫閣鬆的步搖。整翠鈿揭起紅綃。看

新郎研光花帽。娶新婦貌類行雲。拜家堂禮先祠。
寵只你們呵。郎才女貌。好一對花間錦鳩。水上文
鴛。撲著鷹鷂。戲著鳬藻。我自有孟光偕隱。弄玉俱
仙。只你夏姬三少。權當個翹風房老。分明是三花
珠樹。九葉蘭翹。這盈庭瑞氣。定膺封花誥。想和合
神早貼門道。你們先送了文漪。和新人進房休息
者。鼓樂先送二新人介。生全二旦再飲介。良宵甚
宵。芳心自討。夢醒來聽紋砧尚擣。恁張靜姝掌舞

輕盈。怎謝芳姿白團。懊惱。侍兒剛報。早有人鶯聲。
低悄。問寢牀前帳。解紫標衣。薰龍腦。發付俺。定情。
初夜。烈火乾柴。把赤壁。兵塵。只看你二人阿。昭陽。
浴起。膚滑凝脂。舌噴丁香。何用口脂面藥。不聞的。
樹動枝搖。怎說初破瓜的。偏快樂。且姐姐。新人進。
房安歇去了。且喜一輪秋月早上。池光漱澣。桂香。
馥郁。俺們且上凌霞閣。玩月一會來。生携二人登。
閣。整介是一片好夜色也。

蔣山溪

秋深露重。遍野涼浮稻。登閣控簾鉤。剪寒。

玉殘荷滿沼。垂垂金粟堆在軒寮。

么水窗外。紫蓼灘。武榜的有雙禽驚趕。這錦片前程。圖甚的只趁著婉變青春年少。比如俺強勾搭。沒遮攔兀的不負了良宵。**旦**相公你休用多心。猜防著我們來。這夫妻姻緣。五百年前配搭定的。只俺與蓮珠姐兩人。一心一意。伏侍相公。圖個白頭偕老哩。**老旦**紫蘭姐。這話也該說破。相公你忍把俺只當露水夫妻麼。

玉蟬翼煞同斟春酒。一派仙韶列種梧桐。和那忘

憂萱草。三星燦耀。一輪月皎。只見的碧潭波淼紅樓烟罩。八窗糊縞。四壁塗椒。牆窺宋玉扇。披溫嶠。一夕親醺。三朝拜廟。慣詠夭桃歌。得至寶。我且弄琴心賦彩毫。彈的是將雛曲。求凰操。三婦艷。一般嬌。自今呵。老扶燕玉。尚有那楚楚纖腰。璧人清嘯。憑著他美人兵下。連珠寨。只操棘刺端把白猿公早降伏了。旦夜深了。俺送姐姐進房。被窩兒早薰得香香的哩。老旦相公在上。非妾拿腔。今夕是紫蘭姐攏頭吉日。怎好空房。俺自往下房宿。不怕的。

沒明晚哩。生笑介。這話也難從命。俺牀兒頗寬。只
三人並枕。尚有餘席哩。雙攜手唱。

隨煞。只你偷結同心。蘇小小。縱有十斛明珠。怎買
得這一團和好。休誚俺餓眼花。纔飽。這雙合歡。囑
付你窗外鷄兒休唱早。全下。

補雙合歡詞中呂調

粉蝶兒。仙史吹簫。引乘鸞。那人開道。看他傍紅樓
剛駐星輶。捧出個玉天仙。人鬧炒。都道新郎才貌。
合配這葶蘿村女。丰標。這花星照的。湊巧。

醉春風。花燭。盼佳期。翠紅鄉。堪送老。只見一輪紫
月。滿霜空。天色更好。好誰道。冬夜偏長。只覺歡娛
嫌短。送入洞房。非早。

迎仙客。雙畫燭。照的髻鬟高。將絳樹小名兒。低喚
悄。早蓮腮。您波俏。看他每。姊妹姑嫂。一般的。玉樹
蒹葭。靠。

叫聲。那新郎。盤螭玦。束宮綵。忒妖忒妖。錦屏隈。偏
側簪花帽。須忙過賞花時。那打喜的。不相饒。

紅綳鞋。人倚闌干月小。頻將俊眼偷瞧。燈前一捻。

鬪纖腰。鴛鴦方入隊。荳蔻正含梢。休輕把零星紅
陣掃。

鬪鵲 那人見傅粉何郎。這人見齊眉德耀。早有
個青鳥傳音。怎學的前魚泣釣。帳裏啼鶯。煞顛嬌。
褪蜂黃。只這遭。休將那一刻千金比。等閒畫堂春
曉。

滿庭芳 只他風情半老。帶些醜腆。頰暈紅潮。政海
山仙子乘烟到。三五良宵。一壁廂惹舊恨。鏡鸞慵
照。一壁廂整新妝。釵鳳重挑。紫燕將雛遶。雙飛休

拘同入錦窠巢。

普天樂 雙合歡。人間少。只這團圓花月。本共枝葉。根苗。枝頭嬌鳥啼。葉底游蜂鬧。怎如把錦瓣芳心。連根扯揭。薰籠繡被。香飄。早已蘭閨靜了。銀釭滅了。呖兀尚有一段妝喬。

喜春來 窗紗遮密紅雲閣。步促弓蓮壓翠翹。柳枝風擺最長條。連珠砲。單搦那女兵鏖。

賣花聲 只見一羣女伴爭偷笑。笑道六幅羅裙扣。尙牢。只索并州快剪剪較綃。暢好是流蘇低罩寶。

簪輕掉。沒來由。把一幅烏絲闌。強人題表。

四換頭。荒鷄唱早。美睡方甜夢。怎遙。只見些帶圍。

鬆小鬢雲縈繞。怎說占韶光。只有擲牆頭幾朶紅桃。只俺惜花心。偏在殿殘春。一枝芍藥呀。那畫眉的齊等待張京兆。

煞尾。眼迷離。須見兔放鵲夜深沉。休驚蛇打草。那些是大會垓。不伏老的把單鞭。搦看豎降旗。一片兒倒。

半

臂

室

嘯齋曲有
十種僅梓
其半自是
天生仙骨
卽介自譚
科備極神
韻蓋先生
精解音律
親教紅兒
故其妙如
此

半臂寒

南山逸史著

臨江僊

末上自古有情埋不得。硯田掘出根苗偶

拈半臂譜風騷。餘寒香徹骨。呵凍瘦添腰。了却
情根生死了。阿誰當下勾銷。今宵能有幾今宵。鍾
聲敲夢醒。冷水半空澆。

喫不了的蘼鹽一朝快意

著不得的半臂千古鍾情

正名

會爭憐的衆姬春山淡鎖

能擺脫的小宋古寺尋盟

第一齣史娛

夜行船

生扮朱子京三髯冠帶上青藜光老映吾

廬擁萬卷圖書宵來宣室移前席天香惹幾陣飄
裾鳥語夢回金谷風清人在冰壺減字木蘭花韶

華易過人間有事須當做蓬島何天世上非仙那
得閒黃蘗自肯嚼出宮商和角徵青史頻摩一任
知予或罪予下官朱祁表字子京雍丘人也松筠
氣概風月襟期我父親出仕官至叅知母氏淑人

榮封恩命、下官降生時、端坐而下、頗驚母懷、童年
善病、雅好神仙、早歲多聞、兼通音律、元聘鄭氏、小
字嬰英、結褵未幾、選入宮掖、自分姻緣已斷、誰知
琴瑟重諧、那日下官春遊禁苑、偶遇宮車數乘、內
有一乘、突呼小宋、遂賦短章、聊紀其事、豈料被奸
宦劾奏、首輔中傷、幸聖上不加罪譴、詰問因繇、反
賜完配、只有一兄、名喚宋郊、同學齊名、禮部舉進
士、奏下官第一、兄郊第二、章獻太后不欲以弟先
兄、乃擢兄第一、置下官第十、並入翰林、人誇二宋、

後來太后被服天子衮冕、謁享太廟、命下官撰記、
因力諫太后謁廟、非萬世法、乃止、自此舉朝欽仰、
丰采、聖上留心禮樂、詔求知音、遂命下官重定雅
樂、與建州徐復之、準造鐘磬、協和匏竹、郊廟奏成、
卒多福應、下官以修纂唐書、漸成羸疾、奈書未進
呈、不敢乞身、今喜繕寫已完、不免查閱一番、書童
那里、雜二人捧書上、生簡書介一卷二卷、共六十
卷、且喜字畫無訛、裝潢精整、不枉我兩年心苦也、
步步嬌我只爲青史千秋非輕務、白日旁搜苦中

宵燭淚枯。信耳師心。兩無貽誤。筆墨佐皇圖。只落
得沈郎消瘦。腰如許。修史重任。人都屏絕聲色。下
官却高烧官燭。令侍兒環列。音樂四作。周覽史冊。
倍覺精詳。振筆直書。是非恰當。同館兄弟。莫不驚
訝。不知此天性使然。不可強勉。

醉扶歸

我止聽珮聲。隱隱搖金縷。一煞里文心活。

活吐驪珠止。見那蓮炬煌煌奏瑟竽。引惹得筆尖
灑灑。垂秋露。今日個褒譏筆削有成書。賴音樂娛
毫素。我少時究心音律。近爲朝廷審定雅樂。得盡

觀太廟所藏遺器。聖賢一拊一擊。具有深心。我默然理會。以其餘緒。教演家婢數輩。今日稍閒。可請夫人帶女樂上堂。散心一回。

雜夫人有請。

前腔

旦扮鄭夫人小旦扮董青霞老貼淨丑抱樂

器各艷妝上。旦我本是聖人親勅爲夫婦。每日裏

才郎晤對。伴琴書。

小旦鎮日介嬌藏金屋。佩瓊琚。

今日裏人來洛浦移蓮步。衆合金釵十二度唇朱。

一任那周郎顧。

二旦

相公萬福。衆老爺叩頭。生近

製的新樂。俱已演熟了。麼。衆演熟了。生今人但知

歌舞。不知音樂。歌舞者。音樂之緒餘也。須知樂乃
天地玄音。人心元韻。上以通鬼神。下以風黎庶。協
和造化陰陽。攸關世道升降。是以蜀山崩而鐘響。
韶樂作而鳳儀。濮上新聲。師涓致戒。高山流水。鐘
期賞音。角聲惻隱。宮聲溫雅。徵聲善養。商聲好義。
辨音務晰。徵茫正宮。雄壯羽越。淒楚黃鐘。宏大仙
呂。悠揚考宮。須窮本始。聽我道來。

皂羅袍 論樂須明律呂。更發音合拍。歸韻迴紆。八
音聲器兩諧符。高低六律休差誤。咸池最古。五英

太初大章協帝。韶稱有虞。休得似鄭聲柔。靡靡度。衆蒙老爺教誨。妾等謹當佩服。衆奏樂介。生你
把新習的歌兒。慢慢細歌一曲。衆曉得。進生酒介。

作樂唱介

北二犯江兒水

音諧韶濩。聽聒耳音諧韶濩。翩翩

來鳳舞。正初翻樂府。低度新歌。遏行雲。字字珠清。
氣一痕。舒歌喉。百轉紆天上。璫孤人。間瑟虛。却便
是聽流鶯枝上語。一醉屠蘇。恰好一醉屠蘇。紫
薇仙署。不枉了紫薇仙署。鎮良宵。燕金蓮。聽鷓鴣。

生歌得好、聲音嘹亮、樂器和調、可稱絕唱、如今試舞一回、我看衆再進生酒舞唱介

前腔 翩躚蓮步、看縹緲翩躚蓮步、纖腰長袖舉、恍驚鴻上下、飛燕紆徐、但迴翔百媚俱、掌上舞花姑、盤中飛念奴、浥露紅蕖、浴水羣鳬、祇聽得一聲聲、催羯鼓、秋月奔蜃、扇團團、秋月奔蜃、曉風飄絮、衫拂拂、曉風飄絮、暢好是墜庭前一葉梧、**雜稟介**張爺大老爺來了、小生三髯淨髯俱巾服上

好姐姐 偶過百城深處、聽宛轉清商、白苧作入與

生揖介旦衆下介小生阿呀陶家風味翻做石家
錦繡圖淨正歌舞得妙爲何都進去了小生咳子
野兄說那裏話小弟和舍弟呵同攻苦正喜得宰
官說法棲清署怎效那方丈珍羞擁彼姝淨這句
話却是爲何小生我兄弟向年未第時讀書南明
寺中與慧雲長老共說枯禪同餐齏飯相期日後
富貴毋負生平我弟如此奢靡頓忘却本來面目
生往日齏鹽豈甘作冷淡生涯今日朝歌暮舞尚
酬生平不足也小生這是甚麼話

香柳娘 小生想齏鹽共嘗。想齏鹽共嘗。相期霞舉。

如何一旦成羶慕。似恁般佚侈。似恁般佚侈。富貴素心渝。忘却了青燈共風雨。淨二位年兄。不必開爭。人各有志。有愛受享的。也有甘淡薄的。只是歲不我與。以小弟言之。還當及時行樂。歎催人烏兔。歎催人烏兔。

前腔 生豈心期頓忘。豈心期頓忘。編摩辛苦。聊將

音律娛朝暮。念當年爲何。念當年爲何。今日阿翠倚更紅扶。差敵那蛩吟共鷄語。淨合歎催人烏兔。

歎催人烏兔豪曠拘株並行何負。

前腔

淨羨鵬騫鳳翥。羨鵬騫鳳翥。二難並樹豪名。

已向中天布。豈區區小儒。豈區區小儒。若小弟當
此良宵。也不能悶坐。低唱淺斟時。雲破月來處。合
歎催人烏兔。歎催人烏兔。豪曠拘株並行何負。淨

我兩人非爲別事而來。止因徐復之明日辦道入
山。吾輩誼當一送。特此相約。早往郊外。一來與復
之兄話別談心。二來賞玩些寒林落木。亦可稱清
遊勝事也。生復之高士。正欲把臂劇談。當令蒼頭

備酒餚同往、

尾合 明朝好訪烟霞侶。攜却青尊荷却鋤。吟就了
霽色寒林將畫補。

生琵琶起舞換新聲。小生舊鎖禪扉在赤城。
淨自有金盃迎甲夜。**合** 沈香火底坐吹笙。

第二齣 忍凍

雜扮院子上 **集唐** 廊廟心存巖壑中。楚雲滄海思
無窮。借問故園隱君子。渺渺雲山去幾重。自家宋
府中院子是也。今日老爺同大爺張爺郊外閒遊、

半臂寒

兼送徐爺入山訪道。分付準備酒尊食器。步出都
門。只得在此伺候。咳。我想此時郊外呵。又沒有飛
花滿地。芳草連天。啼鶯乳燕。銷磨陣陣金風。浪蝶
狂蜂。斷送泠泠白露。寶馬少聞歌艷曲。犢滿空山。
朱輪不見碾香塵。樵歸荒徑。猿啼古磭。嗚嗚咽咽。
添人萬種愁腸。鳥噪枯槎。慘慘淒淒。助客一天離
思。騷人閣筆。崑盼著青山頓老。遍瓊瑤。漁父披蓑。
早訪却白水無邊驟風雨。又不是蘭亭佳會。空學
他曹子晏西園。抵多少賭墅東山。在撇著裴公開。

綠野。正是霜重天寒。山色淡。草枯野曠。水聲低。道
猶未已。各位老爺早已出城來了。二生淨巾服丑
挑榼酒隨上同行介

黑蛛序

合地迥天高。見蒼烟一片。萬木寒凋。瘦干。

山露出。嶙峋骨峭。平臯溪聲咽。冷濤松聲吼。冷颼。

生指介前面高崗上策杖來的。好像復之兄。小生

淨望介果就是他。生我們趕到前面候他便了。同

行介合逐山樵早穿林度礪。遠過溪橋。下外白髯

道服攜杖上

半臂寒

前腔換頭憑弔物外遊遨聽寒泉落葉踏遍荒郊。

老夫徐復家在建州遊學江淮間精通音律蒙聖
上召見備陳七音十二律之誤命與宋子京一同
考定音樂除授大理評事老夫自筮無祿遂以疾
辭向來隱居郊外今擬入山修道故此飄然遠行
走介看黃冠野服冷然孤傲飄飄休誇詩酒騷休
談金紫豪出塵囂早山中猿鶴騰躍相招二生淨
衆上

武藏令

合遶丹楓千林遠迢過翠竹一溪深與作

遇見外介二生淨弟輩聞兄入山辦道特來相送、
不想中途得遇、更是可喜相逢、湊巧倍覺添歡笑、
不枉却趨芒鞋策枯筇穿樵徑會香山一老、
弟州霞骨相、自揣與五斗無緣、故此放浪形骸、向
萬山深處、松筠作伴、麋鹿爲羣、世外浪遊、不敢動
驚清聽、今承諸兄遠送、令小弟何以爲情、
弟輩碌碌名利場中、束縛身心、無由解脫、苦海沉
淪、何時登岸、今見吾兄逍遙物外、好似天際閒雲、
卷舒無礙、海邊孤鶴、飛鳴自如、可勝欣羨、
丙作風

起介衆作驚避介阿呀好大風也

丑供養

合

推雲偃草十八憑威萬木呼號大鵬摩

溟海猛虎嘯林臯樹頭少女早斷送融和殘照共

作寒狀介**合**荆卿易水上冷蕭蕭故人何處覓綈

袍生

大風驟發冷氣侵膚諸兄不懼寒威乎

外小

弟布袍遮體差足御風**淨小生**我兩人身掛重裘

庶忘凜冽**生**小弟羅襦單薄風色大緊未免寒栗

生肌**淨小生**可曾帶些衣服來麼**雜**不曾**生**你可

快回府中取衣服來穿**雜**曉得體寒肌綻粟地冷

草凝霜、下生向外介小弟攜得酒餚在此、欲與吾
兄快飲一樽、就在此間、草枯沙軟、席地一坐何如、
外寒氣侵人、若有青州從事、大鼓遊興、生將酒過
來、共坐地介丑斟酒介

江兒水合

一席衝離索。三盃破寂寥。敵寒威猛學

著劉伶倒。望寒林早補就王維稿。寫寒風怎比得
青蓮好。此去雲天縹緲。遠出函關。甚日歸來華表。
雜持衣上。燦燦冰蠶縷。翩翩綠鳳紋。向生遞衣介
生作遲疑介如何有許多衣服、雜這是夫人的、這

是董娘娘的、這是各位姐姐的、生我適纔忘却分付、我自有我的衣服、如何要夫人與各位娘的來、你把交付你衣服的光景、細細與我說、

前腔

雜異女號珠閣、閨人憶灞橋、小人說老爺寒

冷、差我回來取衣服、夫人與各位娘呵、急煎煎無計、將身繞冷颼颼、那顧腰肢小、都脫半臂、付小人拿來、亂紛紛、半臂將心表、淨笑介妙阿、年兄、你前生種甚福因、受此美人憐念、想那時節、各位年嫂呵、感損遠山凝俏、這些半臂、香氣襲人、你快穿將

起。來。襲。襲。餘。香。披。拂。臨。風。猶。裊。生。說。便。如。此。說。教。我。穿。那。一。件。纔。好。

川。撥。掉。情。牽。擾。算。將。來。都。是。我。俏。根。苗。分。不。出。苦。

李。甜。桃。分。不。出。苦。李。甜。桃。費。平。章。是。多。嬌。寸。綃。淨。

笑。介。都。穿。在。身。上。便。了。生罷。罷。我。如。今。倒。一。件。也。

不。穿。了。儘。甘。心。冷。淡。標。怎。甘。心。薄。倖。曹。外淨。子。京。

兄。你。既。好。肉。又。復。懼。肉。如。此。寒。天。身。體。爲。重。畢。竟。

穿。一。件。爲。是。

前。腔。換。頭。生。我。也。曾。手。逆。龍。鱗。犯。禁。椒。也。曾。出。入。

承明天語標擔不起。這種情苗。擔不起。這種情苗。
最撩人衫輕體嬌。我決意一件不穿了。冷慣了。舊。
禪寮寒透了。五更朝外。淨子京兄爲憐惜尊寵。忍。
凍耽寒。真千古情根也。生作忍寒態。介。二生淨復。
之兄遊仙出世。言別斯須一語金鑰。何以教我。外。
過承諸兄遠送。小弟今日呵。

錦衣香 遠市朝。深山凹。別故交。紅塵道。千峰一笠。

閒身碧天長。嘯食松。食栢響雲璈。霞封谷口。鶴守。
團瓢。二生淨。弟輩當作何究竟。外。算排場傀儡。好。

風光一瞬。烟銷莫向蜂衙鬧。風帆收早。火坑跳出。
直臻壺嶠。二生淨承兄金玉諄諄。弟輩自當佩服。
外暮色催人。小弟就此長往了。二生淨弟輩送兄
一程。同行介。

漿水令 送幽人雲踪浪拋。別知心天涯影遙。做
不得臨歧握手折長條。一枕黃梁。憑誰呼覺。生塵
世等浪泡。從今打破通天竅。雲深處。雲深處。仙侶
相邀。如羽化。如羽化。孤鶴飄飄。**外**作揮手下。衆作
望介。復之飄然而去。真我輩所不及也。就此各自

半臂寒

回去罷

尾

合

一番清論水壺皎。忘却寒風凌暴。把多少

利念名心。向冷處消。

生 峨峨商嶺采芝人

小生

一飯胡麻度幾春

淨 惆悵仙翁何處去

合

坐令雙鬢老如雲

第三齣 爭憐

字字雙

淨 扮柳烟姐上。奴家容貌賽神仙。嬌倩滿

頭珠翠戴花鈿。釵釧金蓮尺二布來纏。一片塗朱

抹粉著雲肩。花面自家來。府中柳烟姐便是。容貌

雖非第一、乖巧却也無雙、瑞雨尤雲、夜夜夢飛巫
岫、春花秋月、時時魂繞陽臺、一雙熊掌、囹圄吞對
鏡、自誇樊素口、十幅羅裙、圍不住、逢人爭道小蠻
腰、無病常白晝閒眠、捧心作態、有事便東攬西掇、
鼓舌拈酸、今早老爺郊外閒遊、因風冷遣人回來
取衣服、衆姊妹多脫半臂送去、未知穿著那一個
的好、生放心不下、在此候他回來、望介你看巫家
妹子、也走將來了、自言自語、不知說些什麼、且躲
在一邊、悄悄地聽他則個、作躲介

前腔 丑 閨房濟濟我爭先。胡纏終朝頑耍打鞦韆。

如箭歌來一字不連牽。偷捱脫將半臂寄他穿。一

件。淨 作跳出介。還有我一件來。丑 半臂雖多。老爺

自然穿我的。淨 自然穿我的。丑 怎麼穿你的。淨 我

的長又長。濶又濶。白綾紅裏。顏色何等鮮明。花朵

盤金。酒線十分細巧。中間疊實。整整裝廿兩湖綿。

兩面薰香。足足燒十觔黃熟。穿在身上。好不受用。

老爺一定穿我的。丑 我的又妙。你的衣服止可禦

寒。若我的衣服。却是冬暖夏涼。長養精神的。我朝

也穿、暮也穿、夏天赤膊、披時汗水如流、雨內奔馳、
著、上泥漿、盡染、上牀幾會脫下、縐褶消身、起來帶
著、梳頭、油污半截、日間揩絕鼻淋、丁、夜內權充了
事怕、展開來一陣皮肉香、穿上去遍身香汗滾、將
下來怕甚麼寒冷、淨這等說起來、你的半臂、倒是
無價之寶了、丑可不道老爺不穿我的穿誰來、淨
大家不要爭論、且待老爺回來、便知分曉、丑有理、
有理、淨渾濁不分、鱧共鯉、丑水清方見兩般魚、同
下旦扮鄭瓊英、小旦扮董青霞、老貼扮勝蘭、文簫

同上

迹地近旦寂寥庭院不減春來倦望南枝曲闌憑

遍小旦方響敲風疎櫺飄霰老貼灞橋人淹留那

邊浣溪紗旦舞鏡和雲向晚披畫眉深淺有誰知

水沉香暖護果恩小旦倦鵲遶枝翻影慢飛鴻摩

雪度音低瑣牕寒峭擁金貌旦妾身鄭氏小旦奴

家董青霞是也旦今日老爺郊外送客如何這時

候還不見回來小旦此時天氣已晚烈風暫止寒

雪漸飄路上愈覺難行想老爺卽回家也生同雜

上

琥珀貓兒墜陽關唱徹天際已飄綿。好一似返棹

山陰遊興淺。怎比得袁安閉戶枕書眠。作到介雜

老爺回來了。二旦迎生入介風雪瀾漫。老爺受了

寒冷了。生冷得緊。冷得緊。嬋娟。准備著獸炭高燒。

羽觴頻勸。旦已備酒餚。與老爺煖寒。快取酒來。雜

應介淨丑上淡雲飛急雪。枯葉戰狂風。作見介阿

呀。老爺回來了麼。老爺今日這等寒冷。我們衆姊

妹送來的半臂。穿了那一件來。生今日裏呵。

啄木兒雲疑凍風欲顛。淨果然好大風。生絕少却

狐白衝寒人寄遠。丑我們顧不得自身寒冷都脫

來送與老爺。生謝伊行解珮相遺反教我問衾展

轉。二旦却是爲何。生這的是同憐共惜承精繭怎

做得祖分左右違心願。淨丑如此說難道不穿不

成。生因此上捧壁歸來忍凍旋。二旦微愠介淨丑

作變色介阿呀我們都是好意老爺一件也不穿

可不羞死了我們。

玉交枝旦合相看增歎。脫雲裙情堅意專物微不

香艷翠色
欲滴

足。圓。青。盼。空。辜。負。望。眼。連。天。**生**。衣。服。不。穿。有。甚。關。
係。便。動。起。惱。來。**且合**。青。衫。尙。然。遭。棄。捐。白。頭。休。望。
承。恩。眷。**淨丑**。哭。介。細。思。維。紅。顏。可。憐。轉。躊。躇。淚。珠。
湧泉生。我。不。穿。別。無。他。意。正。是。沒。偏。枯。處。如。何。惱。
的。惱。哭。的。哭。真。個。笑。殺。人。也。**且**。相。公。這。都。是。你。平。
日。忒。養。嬌。了。他。們。致。有。今。日。

丑供養。溫。柔。鄉。戀。兒。女。情。深。送。暖。偷。寒。閨。房。多。故。
態。悲。喜。總。前。緣。聖。賢。訓。勉。近。不。遜。遠。之。滋。怨。你。們。
過。來。招。箇。不。是。就。把。酒。送。老。爺。一。線。陽。春。轉。夜。如。

半臂寒

六

年。艷舞嬌歌開玳筵。**旦**相公、我且問你、徐復之入
山修道、果是真否、**生**怎麼不真、**旦**他如今往那裏
去了、

憶多嬌

生

他向嵩華巔。壺島天。吸露餐霞印五禪。

物外逍遙無掛牽。一笑飄然。一笑飄然。羨彼先余
著鞭。**二旦**這樣拋妻棄子的。什麼好人。如何反羨
慕他。衆姬們且彈唱一回。與老爺開懷。**老旦**貼唱

介彈介

錦獅子

字字錦南樓。鴈羽翻聲逐長空。斷無端吼

朔風提起離羣怨。返家園。自有似玉如花。如花貌。
奏著急管繁絃。娟娟。腰肢綽約。卸却半臂。純綿如。
何純綿。純綿都不穿。雪獅子衆合盼殺人也。天恨。
殺人也。天短行兒夫。行短兒夫。擔寒忍凍。莫不是。
嬌娃別選。生作倦介旦相公平日聞歌。精神抖擻。
筆墨淋漓。今日却停盃閒想。爲著甚來。想是這曲。
不堪入耳。你們再歌一曲。老旦貼又彈唱介

前腔形雲一望連。驀地飄飛霰。玉堂人自寒。金屋。
心多顫。猛回旂。止見象板金尊。金尊畔映著柳眉。

翠鈿仙仙風流翰墨。豈不勝那枯禪。如何枯禪枯
禪。頻作羨。合盼殺人也。天恨殺人也。天短見兒夫。
見短兒夫。食風冒雪。那。里有瞿曇當面。生夫人你
看衆妮子的彈詞。好生埋怨我。譏誚我。殊不知白
日易過。青春不再。那爲官的夜行不休。忽地裏鐘
鳴漏盡。爲娘的蛾眉不談有日。價玉碎珠沉。算來
樂極悲生。畢竟愁多歡寡。以此想徐復之真高人
也。二日相公如何講出這冷落話來。莫非心變麼。

沉醉海棠

沉醉東風

生

算繁華空花景。縱冷落

清風自遠。我想冷落定有繁華日子。那繁華究竟
歸於冷落。正是花有重開日。人無再少年。思量起
來。總是一場春夢也。月上海棠。似今宵。翠繞珠圍。
免不得酒闌人散。休嗟歎。急早回頭。非干心變。
我與相公呵。

風送嬌音

風入松。鴛鴦兩兩並文肩。鎮日裏高歌。

歡譙。又不妬小星次第。衾稠薦。

小旦我青霞出污

泥之中。得侍君子。就是相公出家。願爲弟子。掃地
焚香。惜奴嬌。這恩情難割斷。儘此生侍君前。願得

半臂寒

六

焚香修鍊。生夜已深了、且收拾酒筵睡罷。

尾聲生人生聚散如飛電。旦今夜裏把寒威消遣。

生明日陰晴總付天。

旦金花臘酒解酴醾。生樂府皆傳漢國辭。

旦銜歡不覺銀河曉。生又是繁華夢覺時。

第四齣 甯隱

小生拔髮上。花正開時遭雨打、月當圓處被雲遮。
自家米雲的便是、父親米子京、官拜翰林承旨、入
判尚書都省、審定音樂、修撰唐書、二事告成、極蒙

聖眷外來都說不日宣麻、誰想送那徐老伯入山、
頓起了辭家訪道念頭、逐日把後事料理、拜表辭
官、今早打扮道裝、飄然遠去、母親啼啼哭哭、要我
同幼弟宋雯、請轉父親回來、哭介我那爹爹呵、倘
然不肯回來、教我一家兒怎生張主、內叫介夫人
小公子、都在門首了、車馬都已停當、請公子早早
齊去追轉老爺、小生來了、在家不敢高聲哭、只恐
人聞也斷腸、奔下生道裝上

北粉蝶兒半局殘棋收拾起半局殘棋說什麼蔗

漿甜到頭滋味。不管著是是非非。撇烏紗。拋象簡。却告了身家。迴避。俺宋祁向年在寺中。同慧雲長老。說偈談禪。心中有省。後入宦途。耽延史局。閑時教些歌婢。怡神將一點心性。光明漸漸埋沒。前日因送徐復之。觸動了靈機。因想人世所最尚者。是文章氣節。咱家文章。人雖說好。自揣尚未成家。生平幾疏。到底是出位言事。敢云氣節。聲音一道。合當寃心。然塵世中那有笙鶴。閨闔內總是淫娃。因此正念忽提。通身汗下。急請我兄。昔公托以二子。

分付夫人、那諸姬、願習者、習嫁者、嫁一生堂食、無
補聖朝、我死之後、若豚兒、循例請廕、請謚、便以不
孝論、處分停當、一逕望那南明寺中去也、撒手懸
崖、恍一似置身天際、**下二旦同小生丑扮二拔髮**
雜推車執鞭上

南泣顏回**合**最苦是生離、銷盡遠山眉翠、團圓骨
肉、無端一旦分飛、**正旦**老身鄭氏、因夫主宋子京

棄家入山、故此同著青霞妹子、和兩個孩兒、前往
追趕、分付車夫快趨上者、衆應介**合門牆戟榮美**

前程拋閃如塵棄。暖融融撇下沙堤。冷清清遠尋
初地。下生上。

北石榴花說什麼。夔龍事業與天齊。端的是百尺
步危梯。歷數著伍胥授首。韓信誅夷。霍光族滅。蕭
傳身危。怎比得赤松遊。怎比得赤松遊。脫樊籠穩
步青雲際。五湖浪跡兩疏高致。直到那雨淋頭。直
到那雨淋頭。思牽犬東門裏。空留與萬世笑愚痴。

二旦雜上

南泣顏回換頭驅馳不憚水和泥。衆指介前面行

的好像老爺。正旦快些撚上去。作趕介。眼見是磊落壁人丰致。作遇見生介。旦扯住介。呵呀。相公你怎生撇了妾身麼。百年琴瑟難圖白首齊眉。小生丑作抱住哭介。依依兒女哭啼啼。不禁肝腸碎。二旦衆合。虛飄飄何處蓬萊。斷送了熱烘烘眼前榮貴。正旦相公。你爲甚拋閃嬌妻愛子。舞女歌兒兄弟清華。朝廷眷注。倒去受方外清苦。還不回去。回去。夫人說那裏話來。

北黃龍滾犯宿冤愆美滿夫妻宿冤愆美滿夫妻

半臂寒

粉骷骸妖嬈歌吹。狠債主。幼女嬌兒。狠債主。幼女
嬌兒。聳冰山榮華兄弟。總斷送夢裏邯鄲。是阿誰。
現如今心地欲皈依。小生丑抱生介爹爹快些回
去。生扯脫介遠迢迢爾輩歸兮。遠迢迢爾輩歸兮。
作揮手介。笑吟吟先生去矣。急下衆作扯不及介
二旦天那相公。你好狠心也。果然丟下我們。逕自
去了。共哭介。

南千秋歲。旦碧天西。雲影茫無際。心鐵石。毫無轉
退。我與你呵。忍痛歸家。則索向大士空王拜禮。白。

雲外人搖曳玉堂內人顚顚血淚沾衣袂。小生母
親在上且免愁煩。參參辭疏肯意猶未到下料聖
人不允。定然遵旨回家。且如此說却好。合指日裏
綸傳鵲禁。展返鸞闈下。

北撲燈蛾犯生白茫茫雲來山徑迷。亂紛紛霞向
天邊墜。響潺潺瀑布飛千尺。鬱葱葱長松十里顫。
巍巍層巒疊嶂。杳沉沉空谷斷樵漁。俺撇却了妻
子。一路行來。看看與南明寺相近了也。行介。嗚咽
咽猿啼古木。一聲聲半空鶴唳嶺雲低。下外道裴

末扮僧上

南越恁好萬山深處冷萬山深處冷蕭蕭古寺欹。

看祇園寂寞蒼翠冷。苔痕翳外貧道徐復之。末老

僧慧雲和尚是也。合同往南明寺中說法談經共

修淨土。究無生指歸。究無生指歸。見影飄飄繡幡

兒風動翠微。看堤邊水流曲灣灣。橋影兒搖蕩碧

溪。真所謂非幡動。非風動。是橋流。是水流。都是禪

家妙義也。菩提樹明鏡臺。參透三更謎。正水窮雲

盡黃龍豎起。外指介遠遠望見一個人來了。且站

在一邊看是何人、**末**有理、**生**上

北小樓犯

韻悠悠鐘聲度一層層塔影巍。來此已

是南明寺了、不免逕入、俺則見雲擁禪棲、俺則見

雲擁禪棲、鶴守禪關、人語禪機。作見介呀早則是

同道相謀、早則是同道相謀、同調相攜、同心相契。

揖介道兄長老、咱宋子京稽首了、望指點數年昏

瞶。**外**子京兄爲何到此、**末**居士位重望高、作朝廷

柱石、怎生恁般打扮、遠過荒山、

南紅繡鞋

外末怎撇却紫閣黃扉、黃扉早來到蘭

半臂寒

三

若招提招提穿破衲。卸朝衣。辭紅粉。守清規。別堂
食嚼黃齏。生若說起黃齏兩字。便是咱西來密意。
也。外却是爲何。生向年在此讀書。和長老同食齏
飯。原期後日毋忘。今見苦海無邊。光陰有限。故此
猛地抽身。了悟生死。且喜道兄早已在此。正好日
夕同叅音律。共證菩提。末禪家清苦。恐怕居士有
始無終。生長老何出此言。咱呵。

北疊字犯參透了聲音妙理。打和就禪家密諦。須
知道東土書。早就是西來意。金聲玉振。響龍華法。

會點醒了六律金鏡。解悟了五音三昧。解悟了五音三昧。樂奏無聲。禪叅半偈。纔覩破生生死死徹。輪廻末居士立志如此。何愁不立地成佛。生全憑二位指迷。

南尾聲 末外從今謝却人間世。再不遣流水桃花到虎谿。一嘯長空天似水。

末唐年更覩赤松遊

外來往風塵盡白頭

生獨坐焚香誦經處

合莫將孤月對猿愁下